

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
JU CENTAR ZA SOCIJALNI RAD ZENICA

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Sl. novine Federacije BiH", broj: 12/03, 34/03 i 65/13), člana 29. Zakona o ustanovama ("Sl. list RBiH", br. 06/92, 08/93 i 13/94), člana 33. Pravila Javne ustanove Centar za socijalni rad Zenica, (broj: 04/1-05-3-561/19 od 15. 07. 2019. godine i broj: 04/1-05-3-613/19 od 02. 08. 2019. godine) i Odluke Upravnog odbora JU Centar za socijalni rad Zenica, broj: 04/1-05-3-615/19 od 02. 08. 2019. godine, Javna ustanova Centar za socijalni rad Zenica raspisuje:

**JAVNI KONKURS**  
**za izbor i imenovanje direktora Javne ustanove Centar za socijalni rad Zenica**

I

Raspisuje se Konkurs za izbor i imenovanje direktora Javne ustanove Centar za socijalni rad Zenica.

Imenovanje se vrši na mandatni period od četiri godine.

II

Opis pozicije direktora Javne ustanove Centar za socijalni rad Zenica:

- organizuje i rukovodi radom Centra,
- zastupa i predstavlja Centar prema trećim licima
- odgovoran je za zakonitost rada Centra,
- obavlja i druge poslove u skladu sa zakonima, podzakonskim aktima, Pravilima Centra i drugim općim aktima.

III

Kandidati koji se prijavljuju za poziciju direktora moraju ispunjavati sljedeće opće uslove:

- da je državljanin Bosne i Hercegovine,
- da je stariji od 18 godina,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
- da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH,
- da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji BiH ("Službene novine Federacije BiH", broj 70/08),
- da nema privatni/finansijski interes u instituciji u kojoj se kandiduje,
- da nije osuđivan za krivično djelo i za privredni prijestup nespojiv sa dužnošću u instituciji u koju se kandiduje pet godina od dana pravosnažnosti presude, isključujući vrijeme zatvorske kazne,
- da nije lice kojem je pravosnažnom presudom suda zabranjeno obavljanje aktivnosti u nadležnoj instituciji u kojoj se kandiduje.

IV

Kandidati koji se prijavljuju za poziciju direktora moraju ispunjavati sljedeće posebne uslove:

- VSS, VII stepen stručne spreme društvenog smjera ili visoko obrazovanje po bolonjskom sistemu studiranja sa ostvarenih najmanje 240 ECTS bodova, završen fakultet društvenog smjera.
- najmanje pet godina radnog iskustva u struci,
- da ima organizatorske i sposobnosti rukovođenja,
- rezultati rada ostvareni tokom poslovne karijere,
- sposobnost nepristrasnog donošenja odluka.

V

Kao dokaz o ispunjavanju uslova iz konkursa, kandidati su uz potpisanu prijavu koja treba da sadrži kraću biografiju, adresu i kontakt-telefon dužni dostaviti i sljedeće dokumente (original ili ovjerene kopije):

- dokaz o stručnoj spremi,
- dokaz o traženom radnom iskustvu,
- uvjerenje o državljanstvu (ne starije od šest mjeseci) ili ovjerena kopija lične karte,
- ovjerena izjava o činjenicama nabrojanim u alinejama 3. do 7. općih uslova iz ovog konkursa,
- uvjerenje da nije osuđivan za krivično djelo i za privredni prijestup nespojiv sa dužnošću u instituciji u koju se kandiduje pet godina od dana pravosnažnosti presude, isključujući vrijeme zatvorske kazne,
- uvjerenje nadležnog suda, prema mjestu prebivališta, da kandidatu nije izrečena zabrana obavljanja aktivnosti tri godine od dana pravosnažnosti odluke o izrečenoj zaštitnoj mjeri.

**Napomene:**

Izabrani kandidat će biti u obavezi u određenom roku dostaviti ljekarsko uvjerenje kao dokaz da njegovo zdravstveno stanje i psihofizičke sposobnosti odgovaraju uslovima radnog mjesta.

**Rok za podnošenje prijave je 15 dana od dana posljednjeg objavljivanja u sredstvima javnog informisanja i računa se prema datumu objave konkursa u glasilu koje zadnje objavi ovaj konkurs.**

**Prijave sa potrebnom dokumentacijom treba dostaviti u zatvorenoj koverti, lično ili preporučeno poštom na adresu:**

JU Centar za socijalni rad Zenica,  
Komisija za izbor kandidata za direktora Javne ustanove Centar za socijalni rad Zenica  
Ulica Saliha Cakana Mulalića broj 5, 72 000 Zenica,  
sa naznakom „Prijava na konkurs za izbor i imenovanje direktora JU Centar za socijalni rad Zenica-NE  
OTVARATI“

**Neblagovremene, neuredne i nepotpune prijave, kao i prijave kandidata koji ne ispunjavaju opće i posebne uslove, neće biti uzete u razmatranje.**

Sa kandidatima koji uđu u uži izbor Komisija će obaviti intervju.

Po okončanju procedure po javnom konkursu dokumenti priloženi prijavi neće se vraćati kandidatima, osim na osnovu pismenog zahtjeva kandidata.